

Mereka menewaskan pencabar dari Singapura, Aakhir Q dalam pertandingan akhir, manakala satu lagi pasukan dari Malaysia, The Goal Diggers mendapat tempat ketiga.

Kumpulan ABBA turut cemerlang dalam pertandingan tersebut apabila mengekalkan rekod tanpa kalah, menewaskan tiga pasukan dari India dan Malaysia dalam pusingan kelayakan, sebelum menewaskan satu lagi pasukan dari Malaysia dalam perlawanan separuh akhir bagi mengesahkan tempat di perlawanan akhir.

Suasana pertandingan akhir yang penuh tegang dramatik menyaksikan kumpulan pelajar FPSK telah menewaskan pencabar Singapura yang lebih berpengalaman dan mempunyai purata usia hampir dua kali ganda dari mereka untuk muncul johan pertandingan AQC buat julung kalinya.

Timbalan Dekan (Hal Ehwal Pelajar) FPSK Prof. Madya Dr. Azizan Omar dalam pada itu memuji pencapaian pelajar-pelajar FPSK tersebut yang begitu produktif dalam mencapai pencapaian cemerlang dalam pertandingan yang disertai.

“Barisan pelajar ini juga yang muncul naib johan dalam pertandingan TAD baru-baru ini, dan yang lebih membanggakan, mereka menewaskan peserta dewasa yang lebih berusia daripada mereka,” katanya.